

# Il dumber d'asilants crescha – er en il Grischun

■ (anr/gc) Il dumber dad immigrants crescha er en il Grischun. Quai ha il president da la regenza, cuss. gov. **Christian Rathgeb**, communitgà ier a chaschun da l'inscunter dal zercladur cun ils represchentants dals meds da massa. Durant l'emprima mesadad da l'onn saja i stà mintga mais tranter 139 e 343 asilants – ch'èn vegnids partids tiers al Grischun. Il nov centers da transit èn occupads per 80 pertschient. Quai saja ina consequenza da l'aut dumber da burgais da l'Eritrea, Siria e Somalia, vegnids natiers tras la Mar Mediterrana sur l'Italia dal sid. Sulet en ina emna eran pli che 11 000 fugitivs arrivads là. Durant ils mais da stad vegnia quel dumber anc a s'augmentar fitg. Pussai-vel saja i perquai ch'ins stoppia schizunt far adiever da centers sutterrans per ils fugitivs. Impurtant saja che la confederaziun registreschia tuts als cunfins avant che als repar-

ter sin ils chantuns. Il corp da guardia da cunfins – er en il sid dal Grischun – stoppia perquai vegnir rinforzà.

## Brexit e las consequenzas per il Grischun

L'extrada da la Gronda Bretagna (Brexit) da l'Uniun europea haja chaschunà gronda malsegirezza e na fatg pli simpla la situaziun da l'industria d'export e dal turissem en il Grischun. Sco quai che ha declarà cuss. gov. **Jon Domenic Parolini** han ins registrà 2015 pli che 145 000 pernottaziuns dad Englais en il Grischun. Ils pli blers giasts da quel pajais sajan stads a Tavau, Engiadina Auta ed Arosa. – L'onn passà ha il Grischun importà da la Gronda Bretagna per 58 milliuns ed exportà per 55 milliuns. En noss chantun vivan enturn 400 burgais da la Gronda Bretagna, da quels trais quartas permanen-tamain.

## Nua van noss regents en vacanzas?

Igl è usit ch'ils regents communitgeschan – sin dumonda – tar la davosa sentupada cun ils represchentants dals meds da massa avant la vacanzas da stad nua ch'els las passentan.

Il president da la regenza, cuss. gov. **Christian Rathgeb**, fa part ina emna dad ina tura da viandar tras il Grischun che maina er en Surselva. – Cuss. gov. **Barbara Janom Steiner** va a Peking, pia en China e Siam. Il rest passenta ella en il Grischun. – Cuss. gov. **Mario Cavigelli** sa renda per in'emna a Valencia ed ina en il Tessin cun ses dus uffants. – Era cuss. gov. **Jon Domenic Parolini** fa part dad ina tura tras noss chantun. Alur vai al Lag da Thun, si ad Amsterdam ed ora a Stuttgart. – Cuss. gov. **Martin Jäger** è per insaquants dis en il Vallais-bass e va suenter era sin tura tras il Grischun.



Era la regenza grischuna va proximamain en vacanzas. Da san. chancelier chantunal **Claudio Riesen** ed ils cussegliers guvernativs **Barbara Janom Steiner**, **Martin Jäger**, **Mario Cavigelli**, **Christian Rathgeb** e **Jon Domenic Parolini**.